

Ղազան եկած (ուր ի միջի այլոց պահվում էր Օրբի մահից յետոյ մնացած իր հարուստ ստացուածքը՝ դրանց թւում եւ հրացաններ ու ատրճանակներ) եպիսկոպոսին արգելում են եւ բանդ են դնում, թէեւ ինքը՝ Յովակիմ եպիսկոպոսը, ոմն աւագ երէցի է այս վերադրում: Բանդից նա դիմում է Սարաթովու հայերին եւ Պետրոս կայսեր՝ ամենայն հաւանականութեամբ 1719ին կամ 1720ի սկզբին, որովհետեւ նոյն թուի Հոկտեմբերին նա արդէն վախճանած է բանդումն:

(Արտագրեց թնագիրներից Գր. Խաչաթեանց, Մոսկուա, 10 Մարտի 1911:)

1709 թ. Յովակիմ եպիսկոպոս գալիս է Մոսկոս Աղէքսանդր կաթողիկոսի կոնդակով եւ սուրբ միւռոնով:

1710 թ. գնում է Ամսթերդամ ինչ որ Տէր Յովհաննէսից մնացած ինչքերի համար եւ մնում է մինչեւ 1711 թ.

1711 թ. Յով. եպիսկոպոս գնում է Հոմ (Հոմս) Ալիկոռնա եկեղեցու համար եւ արգելվում է այստեղ վեց տարի. ճանապարհից գրում է թուղթ կաթողիկոսին:

1717 թ. վերադառնում է Ամսթերդամ եւ 3—4 ամիս մնալուց յետոյ գնում է Մոսկուա:

1718 թ. նա Մոսկոս է (Փետր. 27) դարձեալ, ինչպէս երեւում է իր գրած մի նամակից Տէր Եղիսէին՝ յԱմստերդամ:

1718 թ. նա գնում է Ղազան (գուցէ հայրենիք վերադառնալու դիտաւորութեամբ), ուր եւ արգելվում է եւ բանդարկվում Մինաս վարդապետի մեղադրութեամբ:

---

կուս է, ինչպէս երեւում է նրա մի նամակից նոյն օրից գրուած Տէր Եղիսէին Ամստերդամ: